

欽定石渠寶笈續編

欽定石渠寶笈續編

第二

乾清宮藏二

皇上御筆書畫二

御筆乙酉即事詩一軸

本幅蠟牋本縱五尺八寸六分橫二尺八寸
行書

即事弗拘題所遇皆可詠夜雨曉漸稀朝風午
欲定當其風雨時黃頭心固恹農父順帆舟亦

豈無欣慶事。蓋艱兩全美。還思太盛詎。惟所見。
然。吾擬通為政。即事一首。乙酉仲春月中。幹。
御筆。鈐寶。二。乾隆宸翰。陶冶性靈。

金歲寶璽。五福五代堂古稀天子寶。八徵耄念之。
寶。石渠寶笈所藏。

御筆乙酉舟行雜興詩 一軸

〔本幅〕蠟箋本。縱五尺八寸六分，橫二尺八寸。
行書。

大船張帆如箭急，小船爬沙苦弗及。以篙鉤挽
大船尾，攜小船行巧注挹。大船人怨遲已行，小
船人樂省力勑。中才者不中才養，故人樂有賢
父兄。一射三挈十鈍手，國有舊語亦知否。舟
行雜興一首。乙酉仲春月下斡。御筆。鈐寶二信。

天主人乾隆宸翰。

鑒藏寶璽五福五代堂古稀天子寶八徵耄念之
寶石渠寶笈所藏。

御臨米芾元日海岱二帖 一卷

〔本幅〕宣德箋本縱九寸五分橫一尺八寸五分
分行書 元日明窓焚香西北向吾友其永
懷可知展文皇大令閱不及他書臨寫數本
不成信真者在前氣馘懾人也有暇作譜發
一笑於事外新歲勿招口業佳別有何得泗
戎東下未已有書至彼候之兩三日未解海
岱咫尺不能到焚香而已日煩不能畫眠又

少人往還惘惘足下比何所樂

乙酉暮春御臨鈐寶三德日新所寶惟賢乾隆

御筆

引首

御筆 懾其氣馭 鈐寶一乾隆御筆

臨鑑歲寶璽石渠寶笈所藏

御書崔瑗座右銘 一知

〔本幅〕灑金箋本。縱五尺。橫二尺八寸三分。行書。無道人之短。無說己之長。施人慎勿念受施慎勿忘。世譽不足慕。惟仁為紀綱。隱心而後動。謗議庸何傷。無使名過實。守愚聖所臧。在澠貴不濡。曖曖内含光。柔弱生之徒。老氏誠剛強。行行鄙夫志。悠悠故難量。慎言節飲食。知足勝不祥。行之苟有恒。久久自芬芳。

款

崔瑗座右銘。乙酉暮春月中澣。御筆。鈐寶二。乾隆宸翰。陶冶性靈。

鑑藏寶璽。石渠寶笈所藏。

御書張縕古大寶箴一軸

〔本幅〕宋箋本。縱五尺七寸。橫二尺。楷書。張縕

古大寶箴

見本處所藏書張縕古大寶箴卷

御款。

乾隆乙酉暮春月中澣書於維揚行館之大觀堂。御筆。鈐寶二。乾隆。

鑒藏寶璽五福五代堂古稀天子寶。石渠寶笈所藏。

御臨顏真卿送劉太沖叙一軸

本幅宋蠟箋本。縱六尺四寸七分。橫一尺八寸。行楷書。自開府垂明於宋室。澤州考績於國朝。道素相承。世傳儒雅。尚矣。夫其果行脩潔。斯文彪蔚。鄂不照乎移華。龍驤驤乎雲路。則公山正禮。策高足於前。沖與太真。嗣家聲於後。雖才不偶命。而德其無鄰。故沖之西游。斯有望矣。江月弦魄。秦淮頂潮。君行句溪。

正及春水。勗哉之子。道在何居。歎。

顏真卿送劉太冲序。乙酉清和月。御臨。鈐寶二。
所寶惟賢。乾隆御筆。

鑒藏寶璽。石渠寶笈所藏。

御臨黃庭堅綠陰帖 一冊

〔本幅〕粉箋本。縱四尺二寸。橫一尺六寸。行書。侍奉萬福為慰。永讀書綠陰。頗得閑樂。甚善甚善。欲為素兒錄數十篇妙曲作樂。尚未就爾。所送紙太高。但可書大字。若欲小行書。須得矮紙乃佳。適有賓客。奉答草率。庭堅頓首。款。

乙酉清和。臨黃帖。御筆。鈐寶二。所寶惟賢。乾隆

御筆。

鑒藏寶璽石渠寶笈所藏

御筆養心殿齋居詩 一軸

〔本幅〕粉箋本。縱二尺九寸。橫四尺一寸。行書。
旭影遲前階。風炎避廣殿。遵例坐弗遷。祛辛食
則變。無逸勅幾政。有顧覲俊彥。卓午亦餘暇。披
涼不知倦。歌案展芸編。疏屏辭綵扇。夕春雲氣
濃。因之復生羨。乙酉仲夏上澣。養心殿齋居
作。御筆。鈐寶二。意靜妙堪會。乾隆宸翰。

鑒藏寶璽石渠寶笈所藏。

御筆立春日雪詩 一軸

〔本幅〕蠟箋本。縱一尺一寸三分。橫二尺二寸。
行書。

時雪三霄佈。新春五日先。淮南占足食。汜勝兆
逢年。溫樹敷祥蕊。青旂引瑞烟。敬因喜益切。點
筆命華篇。立春日雪。乙酉嘉平。御筆。鈐寶
一。乾隆宸翰。

鑒藏寶璽。石渠寶笈所藏。

御筆天竺五印度考說 一冊

〔本幅〕金箋本。四對幅。每幅縱七寸四分。橫五寸三分。行書。

天竺五印度考說。佛經此欲界內。以須彌山為中。須彌山四面有四大部洲。居南面者為閼浮提。即華言南瞻部洲者是。此閼浮提內有三。大國。各所屬及弗相屬之小國。弗與焉。而閼浮提又以崑崙為中。居崑崙之東及東南東北者。

即我中國為一大國。居崑崙之南及西南者。為
天竺一大國。居崑崙之西北及北者。為洪豁爾
一大國。而天竺一國。分為東西南北中五印度。
即梵經所稱印達爾。印達爾者。華言自在境界
之謂也。五印度皆厄訥特珂克之地。唐史宋史。
訛印度為身毒。或稱身篤。而所載事蹟。及入朝
中國。大率不實。亦不得要領。何言之。自古中華
聲教所訖。莫過於本朝。而本朝百餘年中。從未

有天竺遣使進貢之事。雖於乾隆庚辰年間。烏特噶里畢拉奇碩拉汗。曾遣婆羅門進表奉貢。亦其東印度近我西藏之一小國耳。非中天竺也。若夫北印度。實近我回部之葉爾羌。故葉爾羌之西。過葱嶺。即拔達克山。由拔達克山轉而南。為克什米爾。又轉而西。為溫都斯坦。又轉而南。方為厄訥特珂克。其方向如此。其道里莫得而詳焉。溫都斯坦。雖回部也。而回人相傳彼地。

有佛遺蹟。益知即北度度交界。或者昔為天竺
屬。而後為回部屬。皆不可知。溫都斯坦。今唐古
忒及回部。皆稱為痕都斯坦。蓋亦譯者訛痕為
溫。而二語皆與印度音聲相近。所謂天竺北印
度近回部。此亦一驗也。要知痕與溫與印與身。
及度與毒與篤與都。皆非天竺本語。而又何必
較是非於一字一句之間哉。宋史載天竺僧施
護行程。有至誠惹曩國之語。誠惹曩音聲。亦與

厄訥特珂克相近。而通考所謂度雪山。過伽濕
彌勒國者。雪山即今葱嶺。而伽濕彌勒亦即克
什米爾之誤耳。若夫元史稱元太祖見角端於
印度。疑亦即今痕都斯坦之北印度。與回部交
界者耳。非中印度也。東印度既近西藏。故天竺
之事。西藏時聞之。據西藏僧。謂天竺雖佛現身
說法之地。然今天竺實不興佛法。而興異教。此
亦與梵帙佛受記五百年後。佛法漸微。而漸流

行。東至震旦。迺復興之語相符合。夫以今中國之力。若唐宋之假道葱嶺。克什米爾。以達天竺。中印度。亦何難。但既非德致。更以計求。雖徠遠域。何關實政。故不為也。近得蒙古源流。謂元太祖進兵至厄訥特珂克。遇一角獸。狀若跪叩者。三。元太祖曰。是殆上天示予。自此往幹齊爾圖。瑣林。道遠難極。遂振旅云云。益可為未至中印度之證。而獸為人言。更可信。元史之謬為附會。

因考天竺五印度。故並闕其蹟。謠如右。丁亥
長至月下。泮御筆。鈐寶二。乾隆。

鑑藏寶璽奉三無私。惟精惟一。石渠寶笈所藏。

御筆深寧堂詩 一軸

本幅宣德箋本。縱四尺二寸。橫一尺六寸二分。行書。

御製深寧堂詩。

徑曲興非淺。堂安居得宜。有書義堪玩。弗畫景
供披。偃仰遑就逸。徘徊繫永思。深寧願九寓。詎
取一身怡。戊子清和上澣。御題。鈐寶二。所寶
惟賢。乾隆宸翰。

鑒藏寶璽石渠寶笈所藏

御筆重脩文廟碑記 一冊

本幅粉箋本。六對幅。每幅縱一尺四分。橫五寸八分。楷書。

重脩文廟碑記。舉江淮河濟以贊海。吾知其不知海。舉嵩岱恒華以贊地。吾知其不知地。然則舉道德仁義以贊

孔子者。其亦類於是乎。夫江淮河濟。豈不為海所納。而不足以形海之大。然海固不拒江淮河濟。

以為水也。嵩岱恒華。豈不為地所載。而不足以
究地之厚。然地固不讓嵩岱恒華以為土也。道
德仁義。豈不為

孔子所垂。而不足以盡

孔子之量。然

孔子固不外道德仁義以為教也。教之義始見虞
書。而未有定所。夏校殷序周庠。學則三代共之。
是國學所昉乎。夫三代既有學。亦必有教。而吾

以為

孔子立道德仁義之教者何。蓋三代以前之教。非孔子不明。三代以後之教。非

孔子不立。亦猶江淮河濟。非海不納。嵩岱恒華。非地不載。道德仁義。非

孔子不垂也。國學始於元太祖置

宣聖廟於燕京。由元及明代。有損益脩葺。至本朝而崇奉規模為大備。

列聖右文臨雍。必事輪奐。乾隆戊午。朕詣學展儀。先
詔易蓋黃瓦。聿昭茂典。然丹雘雖致飾壯觀。而
上棟下宇。風雨燥濕。厯年既久。浸歎是虞。爰以
歲丁亥。發帑二十餘萬。特簡重臣司其事。越己
丑仲春。告歲工。朕親釋奠以落成焉。先是言臣
有以宜乘此時。脩復辟雍園水之制為請者。禮
官以為三代之制。弗相沿襲。實政不必泥古。朕
以其言良是。遂從之。門殿諸額。一準會典。皆親

書各懸於其所。舉大工者必泐碑以誌。故叙其事書之。若夫述

孔子之言。仍以頌

孔子。是猶繪日月星辰以象

天。朕有所不能。乾隆三十四年。歲在己丑。仲春之

月。上澣吉日。御製并書。鈐寶三。乾隆御筆。惟精
惟一。學鏡千古。

鑒藏寶璽。古希天子。五福五代堂古稀天子寶。八

徵耄念之寶石渠寶笈所藏。

御筆讀蘇軾范增論一卷

〔本幅〕粉箋本。縱一尺七分。橫一尺八寸八分。
行書。

讀蘇軾范增論。蘇軾著范增論。而引史記之言曰。漢用陳平計。間疎楚君臣云云。夫軾達理識時務之人也。陳平他計固多奇。茲不具論。若夫始進太牢。維持去。以惡食進。以為待亞父項王使者厚薄之異。此直誑嬰兒稚子之為。而謂

項王即信之以疑范增。有是理乎。夫增之去。當
於羽殺卿子冠軍時。軾固言之矣。豈不以疑增
之本。伏於是哉。不用其言。而殺其所立。羽之疑
增。必自是始。又痛快言之。此非達理識時務之
人。不能及此。則引陳平之事。軾將信之乎。抑不
信之。而漫舉以申己說乎。夫不合理之事。則申
己說以斥其非。可也。而軾也。猶為兩可之說。於
其間。則學不如軾。而為史遷所誤者。益不足恠。

矣。庚寅仲春月。御筆。鈐寶三。學鏡千古。惟精
惟一。乾隆宸翰。

引首

御筆。斥其兩可。鈐寶一。乾隆御筆。
鑒藏寶璽石渠寶笈所藏。

御筆乾清宮五屏風銘 一冊

本幅宣德箋本。二十八幅。縱一尺四寸七分。橫一尺九寸。楷書。

乾清宮五屏風銘。

有序。

予年十二時。始解文義。

每侍

皇祖於乾清宮。得瞻御座後屏風。集諸經銘語。即知綜括治道無遺。而為君者必如是然後可謂盡君道也。踐阼後。益用以自勵。思欲衍繹諸句。各

為一銘。而理精義博。日引月長。三十六年於茲。
予亦六旬有一矣。昔衛武公作抑戒。老而自警
也。予侍

聖母。不宜言老。而自警之意。則不可無。夫此集諸經
語。雖不能成誦。然言之易而行之難。語云適百
里者。半九十里。苟所行不符乎所言。予愧不滋
甚哉。正中四則。自我民聽。

天以為聰。自我民視。

天以為明。無曰高高在上。惟

命不于常。柰何弗敬。夙夜不遑。純佑惟休。惟恤亦無

疆。

右惟天聰明。

粵我

列祖憲

天惟聖。宅中圖治。敬勝義勝。允茲克明。佛時仔肩。以

似以續。惟曰欲至于萬年。

右惟聖時憲。

予有股

肱。予有心。膺恤小民之依。惟予與汝曰。惟欽哉。

匪欽匪從。陳善弼邪。無私則公。

右惟日欽若。

至弱

而不可勝。至愚而不可欺。心焉懷保。庶其從治。
厥類有四。厥數無萬。暑雨祁寒。曰咨曰怨。思艱
圖易。通求厥寧。用顧畏于民。若適觀厥成。右惟民從

左次二則。百姓注耳目。一人孩之。萬幾

凜旦明。一人裁之。惡乎危。于不知。惡乎失。于好
逸。惡乎損。招于矜驕。右皆出庶物人莫不衣食也。

足之則寧。民猶水也。澄之則清。使叔粟布帛如

水火。亦其難矣。豈可虛詡昇平。右萬國咸寧

右次

二則。和樂且湛。君子之愷。平易近民。君子之

悌。君子終日乾乾。體仁長人。大都為為君者而

言。

右愷悌
君子

譬如北辰。居其所而眾星共之。德

斯要矣。為則者心誠奉之。苟失其德。孰與為則。

戒之慎之。斯焉惕息。

右四方
為則

左末二則。在

昔文王。即康功田功。志厘惠鮮。受命惟崇。詰戎

固要。黜武非賢。以是為功。失之天淵。

右功崇
惟志

曰宵衣。豈誠宵衣乎。曰旰食。豈誠旰食乎。即誠

宵旰而心不在焉。亦得謂之真勤乎。君者臣之

師乎。將以替人而已。固可遺乎。

右業廣惟勤

右末

二則。為君奚難。難於知人。唐虞已然而況而

今。忠邪莫辨。善惡紛陳。貌不易察。心更難謀。量

材授職。各有分司。廣諮博訪。或稱不知。在彼則

可。在我則遲。高目焦心。分憂其誰。

右知人則拙

三

代以下。治世常稀。其故云何。安民莫為。安民若

何。莫如忠施。忠心勿問。元吉易辭。

右安民則忠

乾

隆三十六年。歲在辛卯。孟春月上澣。御筆。鈐寶。
二。乾隆宸翰。惟精惟一。

鑑藏寶璽。五福五代堂古稀天子寶。八徵耄念之
寶。石渠寶笈所藏。

御筆乾清宮五屏風銘一卷

〔本幅〕蠟箋本。縱一尺七分。橫一尺八寸。小行楷書。

御製乾清宮五屏風銘

見上葉

款

乾隆辛卯新正月上澣御筆鈐寶二。乾隆惟精惟一。

引首

御筆。研經侑座。鈐寶一。乾隆宸翰。

鑑藏寶璽敬大勅民五福五代堂古稀天子寶八
徵耄念之寶寓意于物用筆在心此有同春寫
心

御筆倣董其昌書畫合璧 一冊

本幅宣紙本。八對幅。每幅縱八寸二分。橫四寸三分。右水墨畫山水。左行書前人詩句。一已有扁舟興。寧辭筆研勞。緣情無風刺。一似反離騷。款其昌。二。山中多法侶。譚誦自為羣。城郭遙相望。唯應見白雲。三。結廬古城下。時見古城上。古城非疇昔。今人自來往。四。谿迴路自轉。幽澗何泠泠。此中如有屋。便是草元

亭。五。山。中。何。所。有。嶺。上。多。白。雲。只。可。自。怡。悅。
不。堪。持。贈。君。六。山。月。曉。猶。在。溪。風。涼。不。絕。殷。
勤。如。有。情。惆。悵。令。人。別。古。滿。城。憐。傲。吏。終。日。
賦。新。詩。為。報。淮。安。客。春。帆。浪。作。期。八。城。隅。一。
分。手。何。日。還。相。見。山。中。有。桂。花。莫。待。花。如。霰。
款。其。昌。

憶甲子年。曾經做董其昌書畫合璧冊。茲因題
其別冊。亦仿一過。不知境詣較前如何。雖云清

暇偶成。然非為政要務。書以誌愧耳。辛卯秋月。
御識。鈐寶二。乾隆宸翰。幾暇臨池。

元四大家。非不規矩合度。然所謂山水畫耳。惟
米董以書掩畫。神意高超。從心不踰。乃所謂畫
山水也。必知此而後可以仿米董。長春書屋再
識。鈐寶二。乾隆。每幅分鈐寶。用筆在心。必有
同春。寓意於物。保泰。鼓雲。激芳潤。筆端造化。見
天心。成性存存。几席有餘香。妙意寫清快。舊金

經訓墨雲。垂露落紙雲烟。如古舍今。即事多所
欣。得象外意。乾隆宸翰。

鑑藏寶璽。古希天子。八徵耄念之寶。

御筆仿梁楷法畫扶鹿仙人一軸

本幅宣德箋本。縱二尺六寸。橫一尺五寸。潑墨畫仙人一。鹿一。并識。

錢陳羣和命九老游香山詩。最喜其鹿馴嘅畔當童扶之句。特仿梁楷潑墨法。寫圖賜之。以獎其詞平正而意高奇。此句非不能為。但非予境界耳。乘興復成是幀。弄石渠。以為陳羣重來之驗。因思白居易所云。敵則氣作之言。不知陳羣

以為生面如何。辛卯仲冬戲筆。鈐寶二。乾隆附

錢陳羣敬題。

隨身再

賜新紫杖。紫華仍攜舊。歲須。逸趣特邀

天上賞。

閑情祇稱野人娛。廿年幸耳成。詔成。詔好

不。家。晚。年。詩。題。頻。稱。讀。人。娛。廿。年。幸。耳。成。詔。成。詔。好

粘毫皆妙。蘇。偶。然。凝。墨。有。神。扶。詠。即。類。繼。中

嵩祝。遂。島。欣。重。入。瑞。圖。

堯舜敬聞

堯舜帝。徽。祥。紀。美。古。來。無。敬。觀

御製凝墨第二幀。並伏讀

御識。指。示。作。詩。境。界。不。勝。感。佩。仍。恭。和

元韵。兼誌十年後。

思許重來至意。目錢陳羣。時年八十有六。鈴印二。

目錢陳羣。官傳尚書。

鑑藏寶璽。古希天子。五福五代堂。古稀天子寶。八徵耄念之寶。游六藝圃。落紙雲烟。含毫邈然。摘藻為春。涉筆偶值幾閒。石渠寶笈所藏。

御筆仿柯九思鳳尾竹一軸

[本幅]宣德箋本。縱二尺二寸八分。橫八寸五分。水墨畫。修竹四竿。款。

辛卯嘉平朔。仿柯九思筆意。鈐寶四。乾隆宸翰。讀書依竹靜。落紙雲烟。摘藻為春。附錢陳羣敬題。

肖物亦鳳尾。翻用或婆娑。鳴岡更斐宣。个个呈天

然。節節傳妙理。豈獨丹卯生。文蘇腔後矣。目錢陳羣敬題。鈐印一。目錢陳羣。

鑑藏寶璽石渠寶笈所藏。

御筆交泰殿銘 一冊

本幅宣德箋本三十四幅縱一尺六寸八分橫一尺六寸六分楷書

交泰殿銘 乾清宮後坤寧宮前殿名交泰象取地

天丕顯

祖

宗奉茲宮殿居正臨民曰明曰旦始惟宮壺逮及臣

鄰。以御家邦。必本脩身。匪祇循名。亦欽責實。健
順協中。所其無逸。財成輔相。小往大來。

無為以治。

聖訓昭垂。小人道消。君子道長。以左右民。尚慎无往。
持盈保泰。勿恤其孚。於萬斯年。凜懷永圖。乾
隆壬辰孟春月之吉。御製并書。鈐寶二。乾隆
鑑藏寶璽。敬天勤民。五福五代堂古稀天子寶。八
徵耄念之寶。石渠寶笈所藏。

御筆癸巳元旦歲朝圖一軸

本幅宣紙本。縱四尺一寸。橫一尺六寸五分。
水墨畫梅花喜鵲行書。

御製癸巳元旦試筆詩。

啓旦初陽升曉曦。

萱宮賀節式威儀。仰瞻

康健膺

天佑。俯恤趨蹌荷

聖慈福始開元慶有水。

壽增肇祚真無涯。將因春暖皇畿近。掖輦從民願祝釐。

貞元運轉玉衡參。景祚維新萬物覃。切已對時慎宵旰。勤民要務祝田蠶。併辰定氣以廿四。正月為乾之九三。設曰玩辭在觀象。誠因勵志敢虛談。癸巳元旦成試筆二律。適仿談志伊梅花喜鵲為歲朝圖。即書詩幀端。以兆開韶聞喜。御筆。鈐寶六。妙意寫清快。乾隆寓意真可人。天

地一家春。雲容水態堪娛。中得天地心。

鑑藏寶璽石渠寶笈所藏。

御筆師說一卷

本幅蠟箋本。縱一尺六分。橫二尺八寸。行書。
師說。或問人之立於天地間。不出乎五倫。而
師不在其內。豈朋友足以該之乎。曰非也。師所
以明五倫者也。猶天之運四時。四時因天運而
成。歲五倫因師明而立。常四時不出天運。而天
實以統四時。五倫不出師明。而師實以該五倫。
豈朋友而足以該之乎。人之生也。自羈貫總角。

誦詩舞勺以至帝者王者。無不以次有師。易曰。蒙以養正。書曰。作之師。而韓昌黎所云傳道授業解惑。則益親切而著明焉。夫道者何。五倫而已矣。授之業。使盡五倫之道。以解其惑。則正以是養而教以是成。豈五倫之外。別有所謂道哉。故師之名。雖不列於五倫之內。而五倫之名。實賴師以明。無師則亦無五倫矣。而曰五倫之內無師。其可乎。至於朋友。所以相取資而已。而其

間有益者焉。有損者焉。是尚在己之能擇。而謂足以該師之道可乎。且吾所謂師。非巫醫樂師百工之所謂師也。蓋道之所存。即師之所存之師也。而道不外乎明五倫。然世之以資進身之階者。亦遂以為師。似又不若巫醫樂師百工之所謂師矣。若夫聖之渴於師。愚之恥於師。與夫昌黎之好為人師。及非好為人師。皆緒論耳。茲故不復言。

甲午新秋月。御筆。鈐寶三。學鏡十。

古乾隆。

引首

御筆。義橫昌黎。鈐寶一。乾隆宸翰。
鑑藏寶璽。石渠寶笈所藏。

御筆玲峰歌 一軸

〔本幅〕宣紙本。縱二尺六寸。橫二尺四寸。行書。
將謂湖石洞庭產。孰知北地多無限。萬鍾異石
大房山。有奇必偶斯為伴。天地生物弗拘墟。龍
井吳山率常見。米未能致今致之。青芝岫屏湖
商館。彼勞奇文徒問答。物遇其時當自顯。茲峰
有過無不及。名曰玲寶稱豈舛。伊家顛叟上皇
山。亦既豔稱百夫輦。致此用力雖倍蓰。責米寧

費脩書東。略發內帑給雇值。肯教張事恣朱酌。
大孔小穴盡靈透。凸突凹窠仍巉嵒。春風秋月
幾閱歷。海水桑田任遷轉。故土那憶埋黃沙。素
質奚礙皴蒼蘚。一峰峙我文源閣。育秀通虛映
萬卷。萬卷徵實難更僕。特宜黃石觀面展。又如
逸興到棲霞。日面月面應難辨。每來汲古遺幾
餘。詎同二米為高簡。欣於斯即慚於斯。悅目怡
情究非善。 玲峯歌。乾隆乙未仲夏月中澣。御

筆。鈐寶二。所寶惟賢。乾隆御筆。

鑑藏寶璽石渠寶笈所藏。

御筆仿董其昌書畫合璧 一冊

〔本幅〕宣德牋本。九對幅。每幅縱七寸六分。橫四寸八分。前八幅。仿董其昌。右幅水墨畫山水林屋諸景。左幅行書。大癡學北苑。多作森梢勁挺之樹。老杜云。請君放筆為直幹。是子久有富春大嶺圖。聊復擬此。其昌書。營邱李夫子。天下山水師。放筆寫寒林。千金難易。其昌。海嶽庵圖。小米作。遠山長雲。

與瀟湘同境。又有白雲圖。皆予所藏。其昌。
王叔明青弁圖。與平昔細皴迥別。友人以江
南春卷易去。至今未歸。時作老米研山觀。其
昌。雲林畫。江南以有無為清俗。今益寥寥。
如珊瑚木難矣。其昌書。山有可居者。有可
游者。此似可居。亦只漁家稱之。其昌。近來
作小景。信手而成。畧無疑滯。其昌書。并識。
內府所藏董其昌書畫合璧凡三冊。皆絕妙逸

品。自甲子至今。先後各做其一。此即第三冊也。
借以驗筆力。境詣如何。雖曰形肖。於神韻乎何
有。戊戌清和。寫於圓明園之池上。居每幅分
鈐寶。即事多所欣。幾暇臨池。秀色入窓虛。體仁
成性存存。正有同春。取益在廣求。追琢其章。墨
雲中和。大塊假我以文章。妙意寫清快。水月兩
澈明。筆端造化。寓意於物。蓄畬經訓。研露潑墨。
半榻琴書。叢雲。乾隆。

前副禁

御筆。妙契函三。鈴寶二。五福五代堂古稀天子寶。八徵耄念之寶。

鑒藏寶璽。古希天子。五福五代堂古稀天子寶。八徵耄念之寶。石渠寶笈所藏。

御筆全韻詩五冊

[本幅]金粟箋本。五冊。第一冊二十幅。第二冊十六幅。第三冊二十二幅。第四冊二十二幅。第五冊十二幅。每幅縱八寸五分。橫九寸六分。行書。

全韻詩。

序有。

四聲切韻之書。始自周顒。而成於

沈約。其書雖不傳。而拈韻者必以是為準則。然韻非自二人創之。擊壤卿雲。何一非韻句乎。不

當此也。義經尚書多有韻語。則尤古於三百風人之詠。但以宜於時。齊於一。不得不以現行約之定本為準耳。他如廣韻集韻正韻收字取音。或失於貪多務得。而今韻既多。反覺窒隘。要之今通用之一百六韻。已足供道性情鑒。今古格物類之為。無事其務該廣而傷繁冗也。一百有六之全韻。歷代曾無按次排咏者。適以宅憂讀禮。簡行幸。踈吟咏。且既閱小祥。幾政之暇。無所

消遣。因以摘詞。或一日一章。或一日兩章。閱三月而成。上下平聲。書我朝發祥東土。及

列聖創業垂統。繼志述事之宏規。上。去。入。三聲。則舉唐虞以迄勝朝。歷代帝王之得失。烱鑑據事直書。不以私意為美刺。而終於敬

天命。守神器。三致意焉。是詩也。歷代興廢之大端。略見於此。而我

皇朝之良法美政。載在

寶錄。外人所不能見者。亦畢述梗槩。較之通鑑輯覽。

更為約而詳。簡而該。讀者不可以北雅揚風吟。
風弄月之作目之也。四聲五部中。凡一部首尾。
必用四言。從其朔也。古韻雖通用叶韻。於每章。
之首尾句。必用本韻。別其限也。韻即甚艱。而每。
韻首字。必用於詩中。定其準也。非曰因難見巧。
亦惟據志惕躬。後之覽者。或不以犯言不文為。
訾詈。其庶幾乎。

天造皇清。發祥大東。山曰長白。江曰混同。峻極襟帶。
福萃靈鍾。山頂有潭。闔門名揚。叶三天女者降
而浴躬。神鵲含果。吞以娠中。錫以姓名。母遂凌
空。有取水人。見訝異徵。叶交手昇歸。擁為主國。
叶三姓定亂。鄂多城崇。建號滿洲。

開基肇宗。元鳥商室。帝武周家。叶

聖必有啓。異揆同風。

右長白山發祥。

初居鄂多理。數世後

亂逢神鵲護免害。

肇祖殲仇克。據赫圖阿拉。創業繼稱雄。

七世至

太祖。天表義軒同。有甲十三副。棟鄂首命征。叶

登屋兩中傷。捫創手挂弓。迷而甦者數。創愈復往攻。
終克翁鄂洛。投射者官封。雖漢高大度。奚能與
比崇。記此告子孫。可不念。

祖宗開基如是艱。守成更懈衷。繼茲漸掃蕩。北與蒙
古通。興京爰建都。適當明運冬。既協人心望。允

宜

天命膺。叶歷歷述

實錄。後人聰聽恭。

右 太太祖
肇基帝業

尼堪外蘭者。奸說

趁塊。尅介於諸部間。讒言恣紛。唬明害我。

祖。罪魁李成梁。叶因報不共天。興師征其邦。特標七

大恨。告

天天春蒙。叶制書代結繩。

文教誨愚蠢。定旂以八色。

武功赫駿。虜以次平諸部。遂還松花江。肘掖患既除。

疆場漸拓張。叶遼陽駐明軍。望之心已降。

右太

祖興師
征明。

二十萬衆明興師。號稱卅萬威臨之。

兵分四路各出奇。並趨興京力不遺。

太祖聞報初弗疑。應之以暇安其危。堂堂陣復正。正旂。盡臣志同。

太宗辭。

父子兄弟同努力。叶子弟之兵左右隨。人自為戰如

熊羆快馬斫陣殲厥魁。叶殪尸流若雁鷺靡。叶
破廿萬兵勿踰時。其詳則見書事詞。恨不行間
供驅馳。薩爾許戰

王業基用示百世縣本支。

右太祖破明四路兵

射獵習軍

旅。國俗舊弗違。以此善攻戰。諸部讐

武威我

祖常冬狩。雪霽餘凇泥。

徒步過岡原。因之行禡衣。侍衛相竊語。何用愛此為。

聞而笑諭曰。寧乏慳斯微。要當崇節儉。物力惜應思。
設解賜爾輩。完潔豈弗宜。衆乃服。

盛德躬行化在茲。弊袴待有功。韓侯誠小哉。叶允合

示家法。奕葉恒遵依。

右太祖
櫛衣行獵

武威既漸耀。遂擣瀋陽虛。埤堦雖嚴守。臨衝已預儲。
摧枯拉朽似。無戰有征如。七萬一時潰。城門殃

及魚。

右
取明瀋陽
太祖

瀋陽既振壯

鴻模乘勢遼陽進取圖。列柵浚壕已喪膽。輕刀長箭
遂爭驅。八旂左右勢羣力。百雉虺頽陷。一隅徹
夜明。兵舉火燥。逮晨合隊墜城鋪。屹然雄鎮兩
朝克。紛爾餘民

萬歲呼。外紫堡通降七十。禁軍卒擾患瘡痛。不知足
合隴還蜀。假道滅殊號與虞。力屈一時多盡節。

燕中頗有笑捐軀。

右太祖
取明遼陽。

東京創建居

三歲。

謀駐瀋陽庭論稽誠恐頻勞

違衆議

獨籌長計受

天禔享王蒙古恒來北征伐明邦易向西何用叔孫

為縣最尊君舊俗各心齊

右太祖
遼都瀋陽

天聰繼

天命創業肇基皆築室

惡謀道升堂必歷階薄城還勿取和衆以為佳臨得

乃

旋轡鴻圖有

永懷

右太宗
征明薄燕京

侵明收郡縣安國育賢材南討

朝鮮和北伐蒙古徠更獲玉璽瑞

天意佑昭回

俯允輿情敦

即位告

郊臺建國曰大清改元崇德開乃有朝鮮使不拜志

獨乘。知為假守禮。激我殺其僭。

明諭赦勿誅。扶心驚色灰。丙子遂

親征。惟揚我武恢。南漢肉袒降。稱曰永服哉。立碑三

田渡沐

德紀無涯。

澤啓景運皇。丕基萬載培。

右
大清征
服朝鮮
太宗建國

觀史

知治亂。匪詡文藻彬。

常稱金世宗。不愧賢君真。熙宗廢舊制。海凌荒樂頻。

大定奮法祖。勤求治理臻。衣服及語言。一惟舊制遵。雖垂訓如此。後世忘其諄。乃知耽酒色。無不致亡淪。又如達海輩。屢勸易衣冠。叶不從謂拒諫。比喻

曉諸臣。寬衣大袖坐。勞薩忽挺身。其孰能禦之。何異尚左人。

在朕豈變更。所以示子孫。叶煌煌

祖訓昭。世守應無悞。叶卧碑勒箭亭。乾隆壬申春。右

太宗訓守冠服時制舊制。

先是

天聰年之際。歷設六部三院云。三院異名同稱內國史秘書及宏文。

崇德各立大學士。六部承政叅政分董正治官乃大備。亮工熙績胥效勤。文臣贊襄圖畫職。武臣征伐勉樹勲。幽明黜陟考羣職。揆文奮武惟

大君。開國規模博且約。事不師古匪攸聞。

右太宗定官制。

松山杏山障寧遠。明十三萬守堡垣。二王統

兵攻未克。

太宗親往勞戎軒。爾時偶值鼻傷。并道前進弗憚煩。

發蹤指示各允當。好整以暇多神權。叶敵知難當。遂夜遁。遇伏剿殺。那能奔。十三萬衆殲其半。赴海死者雁鶩翻。我軍傷者八人耳。

天所助順蒙庥恩。是戰可繼薩爾許。益揚我武恢洪源。

祖宗艱辛所創業。敢不慎守安黎元。

右

太宗破

松

松山破。明兵錦州心已寒。叛去祖大壽。屈

支力實殫。自知不能守。欲降遣人言。叶二王正
詞斥弗降。剿豈難。大壽乃率眾叩首詣軍前。叶
松山獲承疇。及錦州眾官俱解至盛京。雜髮賜
衣冠。乘機圖寧遠。

開基一統寬。明乃求講和。

降勅嚴且端。總由

天眷隆。遂致王業安。

右太祖克明錦州。

天造地設。

鼎湖

橋山。二陵相望。盛京北隣。

叶

隆恩昌後。億萬斯年。孫曾思

祖。奕世永綿。漢代上陵。禮弗可刪。癸亥甲戌。兩舉

精裡。叶深維

締構。不覺淚潛。曰三功臣。墓列其間。亦予奠枵。憶同

艱難無異唐宗。陪以長孫。叶始終心膂。小矣保金。明室馮傳。漢家彭韓。彼何為哉。視此奚攀。右

兩陵陪 以上第一
莫功臣 叶上平聲

順治甲申。

世祖元年。

命攝政王統師伐明。叶適於其時。流賊入燕。明帝殉國。社稷已遷。厥吳三桂。致書軍門。叶乞師進討。大軍遂前。賊廿萬衆。據山海關。並山橫海。勢頗

盛焉。王傳軍令。勿得爭先。鱗次布列。固我中堅。
三桂漢兵。白布識肩。以為分別。否恐同殲。叶大
風忽作。堀堞蔽天。我軍呼噪。風止戰酣。叶大
賊衆滅跡。掃塵。叶遂至都城。賊早西竄。叶辭輦
安衆。守經達權。文程贊襄。嘉猷允賢。九月

駕至。定鼎北京。叶為明雪恨。撫有宇寰。漢高祖。秦

元之民。叶李唐趙宋。更不足云。叶奉

天宏運。啓後承

前於億萬載。

皇圖永綿。

右世祖定鼎燕京

長江暫不守南朝。唐桂斯

同是曷卿。世運有歸。

天鑒朗。海潮弗至。地靈昭。抒忠允。藉宗臣翰。饋餉還。

資主吏蕭。流寇亡魂。平次第。

光華日月慶兵銷。

右世祖平定天下

帝后追慕有禮。公

卿

賜謚無消。樵採護其陵木。真陳予以蕙有。試考歷來

勝國誰能似此荒色推而行之或待丙申德音

孔膠

右世祖施仁勝國

陰人性多刻俗物興易豪

毋過司掃除其權不可高中原四大家漢唐宋

明朝害不冷眼看皆亡於若曹然非若曹罪其

君自所招是以我

世祖鐵牌示諭昭重其干政罰嚴其納賄條允宜遵

守法太阿莫俾操

右世祖禁加內監

親政撫四海勅幾揚九歌三藩必當撤萬里詎難羅

一二臣同助。昌亡理不磨。自應戒姑息。未可恕
么麼。發早叛知早。揮戈是止戈。時平餘宿將。日
久蔓羣魔。捷伐六軍籍。

謀猷午夜過。惟教精繼運。曾不賦添科。次第爰虎盡。
光明日月和。

守成無創業。奕世沐

恩多。

石
計
千
三
萬
聖
祖

四十九旗撫已久。喀爾喀未歸。

以邀。侵尋敗於噶爾丹。戶口紛散亂如麻。前後

摯衆來內附

肯學光武閉關遮次第

命臣往經理。頒銀賜米給布茶。多倫諾爾

幸朝會。

行幄大宴。賚有加。彙宗之寺予以建。自是中外成一
家。或遇老年喀爾喀。語及此猶淚雨下。叶孫臣
繼序敢不臯。盡人事賴

天庥嘉。綽羅斯都爾伯特。輝特和碩特之徒。叶最後

乃土爾扈特跋涉歸順路更賒無不安輯俾得
所飢與之食寒衣諸叶大君者蓋

天之子一物失所應咨嗟系遠緇

前胥國計

恩威一統含無涯

右

收撫

聖祖

國以民為本仁

民

聖祖彰六旬享福祚萬宇沐春陽水旱必調急欠逋
每免償普教蠲正賦更與追漕糧似此培元氣

真稱邁古王

洪猷傳奕葉效法殷無費

右
昔
聖祖

躬勞朔漠事三征竄死賊渠餘患平豈憚軍書治勞

午每申

廟算諭先庚爾時策安力猶弱故獻車楞詐表誠全

定伊犁及回部孰非

前烈賴經營

右
親征朔漠
聖祖

鳴

輦運河白升香岱獄青民艱

詢。迺。吏。治。

訓。丁。寧。六。度。江。鄉。

幸。幾。番。堤。畔。

停。

諭。皆。中。窾。要。

示。必。審。情。形。清。口。上。常。度。陶。莊。下。久。聆。

御。檄。猶。可。驗。挑。壩。正。其。丁。事。以。有。巡。述。心。惟。無。逸。銘。

宗。功。期。永。晏。

祖訓賈聰聰。宣定東西勢。建籌南北領。繼

先賴成績。默佑仰。

蒼靈。

右
南巡閱河
聖祖

海宇承平。戶口增。特頒

恩諭。被黎烝。丁雖益地。不加益。賦定徵額。弗再徵。揭
理明哉。本舜哲。

惠民深矣。發文矜。萬年國運。

栽培厚。世世欽。遵福永膺。

右
永定丁賦
聖祖

策妄心藏

詭計尤。潛兵擾歲。逞奸偷。

肯因姑息從羣議。

定與剽除籌遠猷。頻疊紅旌奏洪捷。宣揚黃教奠遐

陬。金川掃穴諸番警。即叙西戎拓坦郵。

右聖祖平

定西

春蒐復秋獮。豈不戒虞箴。惟切

觀揚志。

寧辭歲月侵。

多能固天縱。

久道仰君臨。避暑山莊闕。受

恩予最深

右 聖祖 行國謀武

佩文淵鑑恒

稽古成集團書五百函愧未九章窺

秘奧勤搜四庫法

研覃

右 聖祖 纂刻羣書

六計弊吏總以廉詎曰大法斯

無嫌應知大者小所瞻蓋蓋不飭奚率僉火耗
之禁初未嚴聽其取以資米鹽世間少廉而多
貪其害在民何用占惟

大聖人智勇兼旋乾轉坤力以擔道謀築室那顧現

一洗積弊。惠問問。大弗缺。用小弗添。敢有重取。
白簡。恭治人治法。

明諭拈。至今相安民養恬。慎勿動彼浮議。纖萬世遵。

守惠黎黔。右世宗定各官養廉。親賢勤政。出於至誠。

內咨卿貳。外訓牧監。封章特達。許其自緘。機事

不密。義經訓明。叶畫則勅幾。夜乃披函。硃筆

手披。弗假諸人。叶獎善戒非。義方仁圓。叶因人而施。

量材所堪。剛導之柔。寬濟以嚴。積而成帙。爰付

鍋剝配謨曰四匹典以三弛張盡善洞微達潛

小子蒙業奉為君鑑叶詎予一人萬世奉咸右

世宗時
批論
以上第二
母下平聲
三皇五帝其辨紛總

序書始堯繼我聖孔帝學心學牖世惛惛天道

以成義和分用叶地道以平四岳咨共叶不識

不知擊壤歌動於變時雍奚資咸董右唐居

深山中荷天寵依石屨顏木擁腫聞善若決江

河湧沛然莫之能禦壅升聞元德校艱重危微

心傳開道統。叶舉八元凱光堯踵。五刑七政修
以並。叶南風解阜時幾奉。九韶正律來儀鳳。叶

青宮重華額斗拱。高山仰止心翹棟。右虞舜山

川州澤各分九。暨稷播種興耕耩。弁冕端委臨

諸侯。微禹其魚劉子講。貢金象物鑄以鼎。惡旨

䟽狄絕諸杯。叶東序養老別尊卑。下車泣罪息

訟詬。不於無間識本源。何異望海航斷港。右夏禹

神禹度土功。呱呱泣涕子。塗山明訓教。化德

敬承是。伯益既就國。諸侯畢歸只。利民大與深。
昌黎言實旨。孟子舉天與。從而為辭耳。每讀雜
著篇。惟覺理盈紙。右夏羿浞之禍。夏中衰。如

氏未亡。所餘幾。為仍牧正。恭澆兒。奔虞。戒若蹈
虎尾。妻以二姚。邑諸綸。有田一成。衆一旅。叶布

德兆謀。收夏臣。誅澆及豷。復禹跡。叶共難不渝。
卒成功。賢臣靡者如仲虺。中興寶亞。開創艱。應
以少康為冠始。溯其配天德在何。不出敬勤心。

亶亶。

右夏少康。

桀以日亡。湯則天與。紂有自燔之

嫌。武無慚德之語。是湯武之甲乙定於斯矣。况

乎一曹薦尹。一未進呂。雖然以爭而得天下者。

實自茲始焉。是湯之不幸也。乃適逢其時之所

虞。

右殷湯。

兄終弟及。始乎商。太戊惟賢德允樹。

無逸作訓。稱古帝。昔在殷王。實首舉天命。自度

戒荒寧。享國之年七十五。克修湯政。慕遠方。重

譯而至。羣心虞。究其致盛所由來。嚴恭寅畏。斯

為主

右賦
太戊

從邢歷六代。塾隘民居底。弗可行

政化。遷都為民耳。乃胥動浮言。安土致然矣。盤

庚著三篇。實得戒誥體。上示乃在位。中話民弗

率。叶下則既奠居。叮寧簡相爾。然予更有言。害

不視亶父。叶避狄遷于岐。民從者若市。誰謂荼

之若。其甘亦如薺。是知得民心。那費言佑啟。右賦

盤庚考圖相傳說。設教契神解。空前絕後為可

一不可再。叶今讀三篇言。誠為百世楷。至于伐

鬼方。注家無定在。不出楚蜀黔夷羌苗之輩。叶

祠卜其雄鷄。銅珎其殼蟹。詎能禮義教。惟恃干

戈賊。三年乃克之。憊矣未克等。叶五載定金川。

掃穴犁庭罷。此後諸西羌。安眠追驚駭。作詩非

耀武。今古迹殊躡。右殷高宗祖甲逃王位。太伯同

藥採。田間用知依。保惠庶民愛。叶與商類盤庚。

敬民祛好賄。史記及孔傳。訛傳失魯亥。右殷祖甲

古公云興當在昌。小心翼翼昭事允。至于為政

首惠鮮。鰥寡孤獨懷先軫。敬天仁民。君道該三

分。服事德脩盡。究其所以云在何。於穆不已天

地準。右周文王。聞誅一夫紂。可以息口吻。方諸服

事殷。自不如文謹。洪範彛倫叙。丹書敬義厯。叶

因之作諸銘。質語攄道蘊。劉向傳五行。分配失

飾粉。蔡注袪穿鑿。足破羣疑索。叶夫惟一戎衣

垂拱治猶敏。乃有夷齊者。避向首陽隱。右周武王。

篤周祜。密侵阮。殷商旅。倒戈返。文武基。成王振。

叶民于近。各于遠。冠之頌。雍辭展。叶左右執充

弼。塞前後執道承善。叶作無逸。周公進。叶用訓

王。諄繾綣。曰負宸。曰補袞。制禮樂。斯為本。知艱

難。慎旦晚。稱守成。王開閭。右周成王。史記成康世

承平。事異雲霓。民望旱。曰休。曰息。百姓安。以張

以皇。四裔款。東郊保釐。父師命。西方聽斷。太保

宣。天威禁忌。勵初服。用致刑措。罔罔罕。右周康王。

始勤終怠。戒垂編簡。宣王于斯。能無面赧。初政

勵精有志撥亂。叶北伐南征。常武詩。撰雲漢憂

民。肫如涕潛。周道復興。炫乎史版。及其末年。晏

起既倦。叶千畝不藉。魯適廢舛。料民太原。卒以

拒諫。叶杜伯非罪。殺之弗難。而貪天禍。幽厲平

並。叶殷鑒在茲。慎哉擇揀。右周宣王。杜雖仍樹棠。

虞乃移鐘銑。東遷最失計。蘇軾論誠善。然其時

弗遷。勢又何能免。命秦為諸侯。祠帝已僭竊。叶

終焉即代周。履霜堅冰踐。右周平王。奮六代之餘

業吞二周而王八表。執捶拊以臨天下。如雄風
之振孤篠。銷兵器。徙豪傑。燔詩書。阮諸生。恣意
所為而無不了。然其分郡縣。去封建。後世從之
則安。違之亦擾。于是游海上。求神仙。乎杳渺。豈
知一夫作難。二世而亡。為天下笑。叶賈誼所謂
仁義不施。攻守勢異。非惟括贏秦興亡之運。即
萬世治亂之機。亦於是乎可曉。右秦
始皇大勇畧
小節。大智祛小巧。平生豁達度。天運歸金卯。揮

洗揖鄰生。銷印無執拘。蕭曹倚股肱。信布資牙
爪。約法三章寬。漢基四百肇。民苦秦久矣。久饑

易為飽。

右漢高帝。

卓識愛吟杜牧詩。不是安劉唾

四皓。天與人歸適逢時。庚庚大橫符吉兆。西鄉
南鄉讓再三。是謂有禮仁為寶。牧孥相坐在首
除。詔定振窮及養老。卑辭爰賜趙佗書。亦得稱
臣罷兵討。止輦常受從官言。勸農蠲賦頻可考。
其間善政不勝書。繼世之君誠最好。史臣總論

吾所疑。輯覽已評非重道。

右漢文帝

周曰成康漢

文景與民休息。政去瑣。勸農桑。禁采珠玉。惇獨

亦哀富亦哿。聽鼂錯議。削七國。反則誅之。實未

安。既而又悔。識甚卑。苟非亞夫延巨禍。田蚡復

善處骨肉。帝何為者。隨否可。

右漢景帝

秦皇漢武

恒並稱。吾謂其言未當也。秦王阬儒。武重儒。一

端足以定高下。求仙封禪。勤土木。黷武之類。過

弗寡。然其大過在鈞弋。理無因于殺其母。叶禍

防呂氏特忍殘。投鼠忌器。喻寧假表章六經。黜
百家。則其德在興俊雅。瑕瑜不掩。斯可耳。漢史
摘失其得。捨入于蠶室。懷恨深。載筆紀事由司

馬。

右漢武帝

丙吉哀王孫。獄中謹乳養。少時游閭

里。吏治得失講。叶石立仆柳起。入繼愜衆仰。為

政誠勵精。必罰吏信賞。吏稱民安業。綜核勤堪

想。宇內既稱治。單于慕稽顙。屢書鳳皇見。或亦

隣虛枉。

右漢宣帝

有度祇如綴旒。耽逸那思繡井。

流連內閫。色荒。侵尋外戚。政秉。班生徒歎譴言。
梅尉空云察景。惜哉史丹伏蒲。其所存者土綆。

右漢
成帝

白水神徵。赤符天挺。以武開基。以文定

鼎。中興稱賢。殷中宗並非退功臣。保全心永。雖
進文史。察政意整。勅幾攬網。躬勞識迴。神道設

教。識緯是聽。

叶

欲罪桓譚。失之悻悻。

右漢
光武

舊

學桓榮尚書受。養老辟雍禮則有。雖好編察傷
仁厚。建武制度災火否。自起撞郎實堪醜。抑后

如家法足取東平樂善相親友。雲臺圖像大勲

德。失一二得乃八九。責賢何必備滕口。

右漢
明帝

章較明為平。處事亦詳審。觀其戒俗吏。安靜

無忘諗。行秋觀收穫。貴脫粟。飦飲封外戚。為孝

小節傷之甚。終于竇梁橫。預政由枿寢。履霜堅

冰至。義經訓宜凜。

右漢
章帝

南陽卧龍足興劉。草

廬三顧以誠感。遂許驅馳據益州。稱王而已帝

未敢。曹丕篡漢乃正位。斯有禮矣。殊虎耽平生

非無用智謫。復漢業心不可掩。通鑑紀魏綱目。
漢斯義為正。取輯覽。惜乎譚也弗克嗣。二世而
斬于昏闇。至今每讀出師表。猶覺丹誠白日撼。

右漢
昭烈。

將為周文久蓄逆。故惡荀彧殺崔琰。逆

子因以終其志。炎劉于是遂滅。燄薄待骨肉實
少恩。煮豆燃萁何太險。徐劉應阮陳王吳。一時
才俊相游款。叶輪轅飾矣徒虛車。究其慕奪安
能掩。右魏
文帝。漢政不綱。國既卒斬。羣起鹿逐。各

逞琥闕。據有江東。豪傑收攬。素紹弟兄。攜貳識
暗。叶劉表父子。驚馬戀鹽。祇有仲謀。養子無忝。
計用周瑜。三軍就范。百萬曹兵。江中列艦。鏖之
赤壁。盡于一燭。叶鼎足勢成。邦基垂範。勝驅除
者。閔位易犯。右吳大帝冊上卷三魏晉篡奪。奸
逆伯仲。既以平吳。志滿欲中。罷州郡兵。盜賊興
衆。吳姬五千。訶舞充貢。駕羊身荒。飛鴻目送。后
族專擅。嫡子昏膏。衛瓘撫床。獨懷深慟。禍亂頻

興誰折其棟。

右晉武帝

一馬化為龍。竟中童謠誦。

復讐徒虛言。探甲鮮實用。升床寵王導。太陽豈

下共。相與尚老莊。清談恣豪縱。雖曰成偏安。而

已失正統。有整恃江淮。無徵同杞宋。

右晉元帝

起

兵討桓元。壯氣如雄虹。自幼有大志。欲挽天河

絳。忠晉而不終。原為已謀創。叶即真能節儉。示

後重耕耰。傅亮王韶之。助惡誠愚恣。卓哉淵明

翁。隱去柴桑巷。

右宋高祖

聚死褚淵生。石頭城亦

媿敬則譬汝陰。取司馬如是。叶天道真好還。丹陽權收寘。究不保善終。道成罪奚避。納諫與節儉。御物斥精細。欲文篡逆過。孰弗知其偽。右齊高祖

拓跋姓氏自古貽。謂黃帝後真無謂。二十餘傳雄諸部。據有鄴都國號魏。太武道武所鍾愛。果作室家善塗墜。戎軒四出定中外。南北劃疆儼朝制。公卿子弟命入學。疑獄決之以經義。崇道教而汰沙門。則隣月落教星替。崔浩既不好

老莊書信謙之思也未。

右魏太武帝

北魏稱賢君。

恭已勤臨御。其初定武業。帝以崇文著。崇文固

云佳。衣冠改無據。智者之所嘆。迂者之所譽。試

看北魏祀。四世遂斬遽。祖宗其忍忘。艱難可弗

慮。摘詞戒後人。叮嚀聽斯語。

右魏孝文帝

來其危。

竊其祚。蕭衍道成視劉裕。宮城圍吳興拒。叶徒

稱馬素仍厚遇。本失正。末奚疑。叶定律興樂曾

何助。特候佛。奉象塑。捨身同泰功德慕。初祖謂。

直指處漆桶弗契乃北去。祀犧牲代麪素廟不
血食語不懼。餓臺城應始悟。荷荷那得金仙護。

右梁武帝

受禪弑逆如出一例。嗟哉六朝誰階之。

厲霸先竊梁。亦因時勢。律身以儉。施政以惠。獨
甚可笑。捨身佛寺。其鑒不遠。在梁武帝。徒求福

報。那解罪戾。未識楞嚴。清明還露。

右陳高祖

高歡

逐主魏分二。其時初敵宇文泰。既而泰復效其
為。暮楚朝秦。亂之最。高洋不及父與兄。犢車一

乘公受代。沈融既久。彌以狂。荒淫殺戮。恣為害。

武成溫國世濟昏。婦髻童謀適逢會。

右北齊
興廢

文帝詘已任蘇綽。尚賢有合大畜卦。篡奪時非
祇一人。于黑獺也亦異怪。纔四五傳。隋易祚。不
仁之澤。那辭敗。大誥特作正文風。當正者多此
其殺。嗟哉。彼時士大夫。鮮不腆顏持國寶。右北
周興
廢外戚竊柄。蟲食木內。攘取易易。不勞軍隊。
謀伐江南。值陳昏憤。遂成一統。勝劉蕭輩。勇慙

廣險一立一廢。獨孤悞我。悔亦何益。叶二世而

亡。報施豈昧。彥謙卓識。人所弗逮。右隋文帝自漢

失御。六朝亡。迅加之南北相排擯。倒行逆施。太

原兵進。化家為國。帝出震。正統開基。掃除餘閭。

李唐二百餘年演。叶嫡庶建立。惜未明慎。元武

禍起家庭。噤血禁門。同氣推刃。高祖不明。論

允信。右唐高祖助高祖開國運。勇天授。迅雷奮。繼

臨御。多仁聞。能納諫。治匪忝。更愛民。恩無靳。善

政夥。不勝據。有慙德。可弗問。欲蓋愆。好名近。三

代下。垂芳訓。

右唐
太宗

起兵討韋氏。識英而志健。

宋王能讓功。過建成以萬。內禪即帝位。初政頗
勤。終吾瘦天下肥。名言可為勸。既而臨蒞久。太
平符所願。天寶易開元。志滿心驕頡。姚宋亦已
沒。李楊弄權濶。荒淫無不為。親邪正人遠。一人
前後異。敬怠殊方寸。侵尋致播遷。自取夫誰怨。

右唐
元宗

乘危叛父。范氏語定案。聽讒殺子。宦婁

恣為亂。輔國脇上皇君失乾斷。張后效武韋夫
為網攬。父子君臣夫婦胥無幹。始終懦柔昏悖
誠堪嘆。藉李郭克復非出其算。若肅宗者言之

汚文翰。

右唐肅宗

亡唐者二事。方鎮及豎宦。宦豎

久已然。方鎮代宗慣。時雖有良將。亂用安則慢。
弗能去奸相。每致忠良間。市馬悅回紇。匹值四
十緡。佞佛章敬寺。七廟致詆謾。雖削元振爵。因
納柳伉諫。即其誅朝恩。亦以詭計辦。得一而失

百。那濟式微患。

右唐
代宗

踐阼初政頗可稱。曾不

數年早更變。苛刻猜忌以為明。恥見屈寧受欺

面。盧趙用甘雲蔽天。蕭姜棄若日臨霰。播越失

陸惜傍徨。事平聽讒弗顧眷。宮市白望恣強奪。

香山居易詩曾訕。末年姑息圖無事。朝廷益弱

方鎮煽。唐家宗社未淪亡。貞觀餘患人猶戀。

右唐

德宗志平不掉。任賢自幼。藩鎮悍慄。無敢弗奉

詔。元濟猶泉嘯。破蔡雪宵。叶服丹多躁。臨大禍

堪吊。

右唐憲宗

五代歷五十三年。鄒魯間趁兵戈

間。附其際者更十國。時民那有生之樂。臣篡君
及于囚父。三綱掃地尤而效。不永其祚。固應然。
安論求忠必出孝。唐明宗與周世宗。尚屬留心
民事較。傭中佼佼鐵中錚。去之遠矣。于王道。叶

論世恒因鑒戒存。黃帝舜禹萬世教。

右五代興廢

陳橋兵變。膺錄建號。雖非以暴而易暴。乘危廢
立。五季轍蹈。亦曰逆施其行倒。四方僭竊。次第

除掃。居然一統成丕冒。自緣大度人。歸天保。叶

宋家三百年基兆。叶杯酒釋兵。謂因權妙。冷觀

實不值一笑。傳弟誠誤。其言出趙。叶南渡依然

得顯報。

右宋太祖

即位急改元。已失厚道。大德昭

及廷美。忌去不留箇。慙德莫斯甚。趙晉時猶佐。

英斷承藝祖。遂削平天下。叶勤儉與納諫。善政

故可課。集儒輯三書。深意別有那。永樂乃效之。

大典偏搜邏。彼各有所圖。難欺後人譴。四海今

無事。史右而圖左。因命較全書。欲以文風播。原

弗同彼二。游辭更誰作。

右宋太宗

契丹大舉至澶

州。聽寇準言興師禡。無何欽若中讒言。孤注危

盟恥城下。

叶乃知初意原內怯。不足有為功假

借。時平事定見天書。樽酒封珠共為詐。人可欺

耳天可欺。王旦正人責難謝。

右宋真宗

宋仁宗似

漢文帝。守成之君賢最尚。恭儉仁恕出天性。大

辟上譏矜罪當。不廣苑囿同罷臺。玉清池館辭

溶漾。夏人犯邊。禦出境。契丹渝盟。增幣量。視若
優柔。失國體。無撻伐。能寧此讓。小人弗勝。善類
氣。嬖倖不累。治世樣。史官二語。固紀實。安石之
禍。實因釀。郭后批頰。事可罪。廢則宜也。何疑訪。
既而自悔。要冊立。帝心終是無定向。一之為甚。
復疑曹。宮闈處置。總無狀。右宋仁宗入繼非嫡正。
驚不敢為逾月。而疾病羣小恣奔競。兩宮釁成。
賴大臣調停。叶及其自聽政。每聞故事。裁決多。

善令。四知頗慎微。又四不能。溫公言果應。濮禮
議求勝。遂出蔡襄。究屬申私。敬司馬韓歐諍。豈
不皆賢聚訟。原難竟。積善有餘慶。斯事莫遺然。

總由天命。

右宋英宗

熙寧即位。頗勵精。一用安石。

亂機定。公亮進邪說。罪魁吳奎識早。惜弗聽。青
苗保甲及均輸。言利宏羊。猶未罄。拒諫。熙正為
弗恤。終無覺悟。墮昏悖。求治太速。尚衡言。直是
不知為治徑。

右宋神宗

宣仁臨朝。持憲章。罷新法。

守仁宗舊。遠戒守臣勿犯邊。黎庶恬安宏在宥。

社飯之言屢丁寧。何不官家親訓授。勸諸賢退

類私愛。輯覽曾評義宜究。及帝親政衆願望。首

召劉瑗拒范奏。小人乘之為報復。紹聖改元計

已售。紹聖非聖紹王蔡。羣奸則應帝誠陋。馴致

黨禍終北宋。帝肇亂夫誰能救。右宋哲宗多能無

不精。君道失之深。親邪如弗勝。去正曾莫諗。叶

黨禍過漢唐。賢臣都在禁。銳意文太平。天神欺

已甚。艮嶽網花石。紅薰依碧沁。是皆足亂國。那
更開邊祲。童貫明攻遼。馬政暗通金。叶既復背
金盟。南侵流血浸。北宋匪亡欽。致亡徽合任。右宋

徽宗

忘不共戴天之讐。安苟且一隅之暫。有其

志尚恐不能成。忍于恥。那復知有憾。奸如秦檜。
旌一德之應求。忠若岳飛。致三木之審勘。如斯
人也。而得優游德壽以善終。蓋幸叨天恩之濫。

右宋
高宗

初銳意恢復。弗恃長江塹。任張浚有意。

間史浩無驗。終于一莫成。稱姪奉幣。兼居憂未

二年。內禪遽政。厭君孝。豈在茲。在繼祖宗念。惜

我藝祖業。開創何光豔。

右宋孝宗

勤始怠終。濫觴

江泛。鮮弗如斯。可不大監。穆陵中年。嗜欲深陷。

閻馬丁當。見乎謠譏。叶貪地棄盟。蒙起輕僂。徒

因尊朱。謚理有玷。叶即以學論。私多誠欠。

右宋理宗

以上第四冊去聲

始唐咸通。耶律顯族。發祥潢河。

會同繼續。既都上京。遂變本服。長驅入梁。重貴

袒肉。從之。黃龍石田土屋。延廣弗咎。重威乃哭。
一統元殊。分疆金匹。叶規模遜焉。北魏可目。右

太

白山黑水本靈區。勿吉七部原同俗。東方

雲氣生異人。端重善財炳智燭。以此諸部漸歸
附。素衣朱襪從于沃。適值遼政漸不綱。混同迎
戰似神告。女真滿萬不可敵。至是其言驗如卜。
建國稱帝遂號金。敗遼達嚕窮追逐。一百廿年
帝業開。天相抑亦由人勛。右金天輔草創天

太祖

會繼滅遼北朝歸掌握南征徽欽就拘繫高宗
稱姪慙不覺其勢頗可成一統未乘時實失商
權武功既昭修以文勸農議禮並制樂傳位熙
宗繼太祖大公量更人難學

右金
太宗

勸進協人

心即符天命吉以久典外郡民艱故所悉分疆
息兵戈休養籌勤恤戒奢崇以儉去文歸于質
其寂可稱者毋忘舊為棘叶詎止一代然萬世
胥應述

右金
世宗

乃祖嘉習國語為孫宜守舊物

服御漸染華風。疎忌那聞吁咈。付託却喜柔弱。
馴致金源道誑。惜哉大定規模。直使章宗衰訖。

右金
章宗

蒙古始祖勃端察。居教拉野本窮髮。十

世太祖爰開創。滅國四十武功勃。又四傳乃至
世祖。定金平宋。偃征伐。一統建元立國號。輿圖
之廣千古突。取之以武修以文。敬勤二字勉無
忽。其時良佐曰惟誰。巴延之賢不可沒。宋濂諸
人修元史。秦人肥瘠視如越。世祖一帝十三卷。

既冗長仍失隱汨。歐陽逸馬笑繁文。千古史筆
鮮精核。是曷失統不成國。綱目徇私著歲月。通
鑑輯覽茲正之。用訓守基凜天罰。古元世祖入定

國難俟武宗。于義為順實明達。及即帝位勤為
治。世祖成憲守弗違。不事游畋戒征伐。崇儉二

篇之用昌。廟號曰仁信無媿。較之嘉祐規模濶。

右元
仁宗

為驅除難。必先小黠。漢明若斯。唐宋異

說叶

定亂之後。漢簡明察。一意復古。封建滋弊。

叶猜忌功臣。二帝轍合。叶韓彭自取。傳馮枉殺。

以此較之。洪武險軋。一歲兩繫。歷朝書法。輯覽。

遵之。統正史札。

右明本

秦燕王事無別。泥于古。

致禍烈。唐猶差。明慘絕。劉三吾猖言決。方齊黃。

計實拙。所可矜。都盡節。尤英卓。景與鐵。小夢抄。

忍酷滅。屈義士。飛霜屑。誅忠臣。報崇茂。稱成祖。

廟食血。天網恢。偶漏缺。終難逃。孤史設。

右明成祖

三楊委政。從忠革薄。時稱小康。問閭利樂。詰戎。

臨邊。繼繩赫濯。王通戰敗。乃聽和約。因王陳嵩。實平斟酌。立內書房。禍埋始作。陳祚郭循。其言石藥。拒而辱之。失德莫若。凡十年間。瑕瑜半各。

右明宣宗。

正統初即位。王振任邪僻。賴尙有三楊。

未得恣險。整誠孝。常召責。幾欲加刀。陌帝乃為跪求。自此稍斂迹。后崩。遂大縱。難數其奸逆。挾帝征額森。幾于喪宗祏。生還居南宮。景帝頗失德。奪門復聽政。家庭事殘阨。仍欲祠王振。迷終。

不可格。

右明英宗

興獻議理恣憤激。較宋濮王更

凌轢。毛澄汪俊以事去。張璉桂萼獲恩錫。為人

後義總弗論。親所生真出私溺。末年修齋任僉

邪。海瑞忠言解且析。弗親朝臣政叢脞。雖去權

奸無救失。

叶

明祚之衰肇于此。內亂由來興外

敵。

右明世宗

在位不為不久。聽言愈切愈默。初倚

居正太殷。末任向高惟飾。諸臣遠莫覲面。一于

愛弗去側。綱紀陵夷極矣。是謂孤其天職。

右明神宗

非乳臭而倚乳母。溺近私而任近習。禁左班
之疏。滕恣東廩之事。緝已妃后。且不能保國忠
良。徒然於喑。雖二十四罪已昭彰。而懵然不辨。
閹人煬竈其橫。愈急。明政陵夷。至是蓋不可救
藥。惟瞻烏于誰屋集。右明憲宗大厦之傾。一木支
是。惟貞幹君臣合。首誅奸璫。似有為。終惑羣言。
任導。嘗十七年。易五十相。中無定見。致紛襍。外
臣難信。信內臣。固帝失衆。應慙殺。叶亡國之臣。

孰所用。質之帝亦想難答。身殉社稷實堪憐。莊

烈陵園風雨颯。

右明莊烈帝

福王擬高宗南遷祚

可接。使其能振興江表。或安帖諸事。不如宋明

亡速交睫。皇清一統成。殷鑑告萬葉。

右明福王

四

千餘載。帝王洪業畧舉梗概。以全韻壑。惡者吾

戒。善者吾法。法匪虛言。施政後甲。戒豈徒云。勅

幾先怯敬

天誠懋愛民惠洽莫忘

祖宗開創桓撥。

叶敬告後人。欽承母之。

右總

戊戌

立秋日。再書于圓明園之池上居。御筆。每冊分
鈐寶。如水如鏡。漱芳潤。保泰。章志遵仁。人情為
田。即事多所欣。含英咀華。烟雲舒卷。乾隆。

鑒藏寶璽。古希天子。八徵耄念之寶。稿藻為春。游
六藝圃。陶冶賴詩篇。右渠寶笈所藏。

御筆讀王充論衡 一卷

〔本幅〕蠟牋本。縱一尺八分。橫二尺六寸。行書。
讀王充論衡。向偶翻閱諸書。見有王充論衡。
喜其識博而言辯。頗具出俗之識。其全書則未
之覽也。茲因校四庫全書。始得其全卷而讀之。
乃知其為背經離道。好奇立異之人。而欲以言
傳者也。夫欲以言傳者。不衷於聖賢。未有能傳
者也。孔孟為千古聖賢。孟或可問而不可刺。充

則刺孟而且問孔矣。此與明末李贄之邪說何異。夫時命坎坷。當悔其所以自致坎坷耳。不宜怨天尤人。誣及聖賢。為激語以自表。則已已犯非聖無法之誅。即有韙其言者。亦不過同其亂世惑民之流耳。君子必不為也。且其死偽篇。以杜伯之鬼為無。而言毒篇。又以杜伯之鬼為有。似此矛盾處。不可屈指數。予故闢而訓之。讀論衡者。效其博辯。取其軼材。則可效其非聖滅道。

以為正人篤論則不可。戊戌孟秋月。御筆鈐
寶三。深心託豪素。乾隆宸翰。惟精惟一。

引首

御筆。黜誣崇聖。鈐寶一。乾隆御筆。

鑑藏寶璽。石渠寶笈所藏。

御筆畫清風臺古松 一軸

本幅宣德牋本。縱二尺四寸五分。橫一尺四寸。墨筆畫古松一株。并題。

清風臺畔屈盤松。偃折盤盤翠越濃。高詠西山采薇句。果然無碍後凋逢。乾隆甲戌冬。經北平孤竹城。登清風臺。見古松蟠折。因題一絕。並寫其意。御筆。鈐寶二。乾隆宸翰。幾暇臨池。諫武其人性本松。故應千載蓋陰濃。言之不足

圖形去。幸復今朝覲面逢。戊戌仲秋。復經其地。
疊甲戌舊作韻。迴鑒書幀中。御筆。鈐寶二。乾隆
鑑藏寶璽。意在筆先。落紙雲烟。摘藻為春。石渠寶
笈所藏。

御筆熱河文廟碑記 一冊

本幅金粟牋本。九幅。縱八寸五分。橫八寸七分。楷書。

熱河

文廟碑記。丙申夏。駐蹕熱河避暑山莊。曹秀先以禮部尚書扈從。幾暇。召見。談及時政。秀先云。臣春卿也。在職言職。以為此處宜興學校。以造就士。朕曰。俞哉。亦其時矣。於是乎有設學之旨。

於是乎有加額之恩。學校既設。則

文廟亟宜建。乃命相地伐材。卜吉鳩工。宮牆泮水。
殿廡禮樂。一如制。越二年己亥夏。朕以來巡。親
釋奠而落成之。夫熱河固自古關塞以外。荒畧之
區也。雖金遼有興州之稱。然旋舉旋廢。建置沿
革。率不可考。而況有皋比之傳。絃誦之聲哉。是
以我

皇祖每年避暑於此。亦不過名之曰山莊。故有

聚民至萬家之句。蓋於禮樂之興。未免

存待以百年之意。今則耕桑日以闢。戶口日以滋。以幅員計之。不啻數千里。而版籍或逾十萬焉。此而無學校以牖民迪俗。豈宣

祖猷揚

聖化之道。且今西域烏魯木齊等處。率置郡縣。立學校。以此較彼。為尤近矣。則茲

文廟之建。於時於地。胥不可緩。亦不待人之請而

後行。稱之曰熱河。

文廟者。今雖升之曰承德府。從其朔。紀其因也。昔蘇軾作韓愈碑記云。公之神之在天下。如水之在地中。予謂韓愈因文見道。我

夫子體道垂文。韓愈之所因者。即

夫子之所垂。而見猶待乎行。體則其本也。且水在地中。尚需求而得之。我

夫子乃天之經。地之義。山之峙。海之淵。無日不在

人人心目之中。範圍曲成而不遺。豈待穿鑿求之而後得。然則

木鐸之音。孰謂不可覺斯民於闕外荒畧之區也哉。乾隆四十四年己亥仲夏之月中澣御筆。鈐寶二。惟精惟一。乾隆宸翰。

鑒藏寶璽。古希天子。八徵耄念之寶。石渠寶笈所藏。